

慶州李氏評理公派二刊世譜序

嗚呼我慶州之李東國巨族姓源弘大枝流蕃昌其麓不德星羅八域此莫非蘇判公之血禪氣脉也夫有族必有譜自甲戌  
甲大譜後派派繼承承承為派譜者非一非再而吾評理公派亦累度焉此派譜之於大譜非別有差殊也合之為大譜分之  
為派譜譬如大德之敦化小德之川流也至于今日敢望大同合譜而人心不一事多差池勢不得已返為評理公脚下派譜  
敢傲去九十年前乙亥槐山譜而續修燕山川改色南北塞路派亦未得圓合甚矣事勢之難合也追恨莫及於是乎與族弟  
鍾翰族姪瑾兩族孫相奎同心同議而竣功乃相謂曰修譜之道尊祖敦宗而已然非別辨物事也彼富貴利達在外也求之  
必不得得之不必久惟仁義忠信在我也求之必得得之而行己推而及於家與國也列先祖苦心血誠積善成家者亦以此  
道也今盡在我之道率修先德而不墜則此尊祖之大也推而及於宗族使無乖戾而和氣融融則此敦宗之至也未知然乎  
否昔方遜志有言曰有爵位赫赫而無賢孝君子則族雖盛而猶衰也有賢孝君子而無爵位則族雖衰而猶盛也此達理之  
言也況此長夜乾坤世非其世何論爵位之有無哉誠求在我之良貴而已噫余以諸宗氏之推許猥荷重任常恐大事不順  
成矣幸賴先靈之陰騭以至今日竣功吾門莫大之慶幸也然以此為吾事已了則抑末矣念念在慈於先祖忠孝之德相與  
純粹哉

李氏得姓後一千九百三十六年中元甲丁未重陽月下浣茅山公十三世孫鍾瑄謹序

評理公派舊譜序

於休我先祖 誠菴公乃 悅軒公之長子也當麓末忠烈王朝擢文魁宦至評理為吾李得姓後適嗣而以 僕射公為父  
以 東菴松巖公為弟三世八卿四文衡五魁元 益齋翁眉州詩序所撰吾大人三昆李雖不敢自比於蘇家父子亦可以  
名動一世者非誇也其子姓之散在八域星羅海分忠節文章彬彬相望照耀於江表者三南為最焉近者為族遠者為宗而  
以 誠菴公視之皆十數世雲仍也竊恨嶺湖殊途花樹杳隔絕未得記其某行某行 白沙先生同宗禊序所云喜不慶憂  
不吊路上相逢一揖馬鞭者亦幾希矣寧不慨然哉大同修譜已矣勿論三派之各牒系序亦有年所而顧吾 評理公派迄  
今未修中間湖嶺之分修譜卷雖出於不已亦云薄矣一派之內安有彼此携貳之舉乎今於 聖上十一年甲戌竣發合譜  
之議舍置前日之分張謹修 評理公大同牒錄時兩氏相敦尚鶴甫周行遠近彈箠力而畢竟事歸有志設所於槐山峨岷  
洞村舍族丈鍾浩圭秀吾宗君鍾奎與族氏尊顯某某甫掌其事積歲月而功告訖於乎惟我慶州之李寔東土大姓也自楊  
山村長歷羅濛速本朝上下數千百名公巨卿前後輩出繼世為簪纓之族則無非我祖先積善餘慶之所及而凡為子孫  
者其可不砥礪名行以思夫善繼善述之道乎今此續成派錄非但為收族敦宗既尊祖重本而推其孝悌之心深服乎先祖

之謨訓則後之視今豈不如今之視昔乎是以詳考遺文旁據舊例正其訛舛補其闕畧克成十餘卷丹子噫近者親而遠者疎亦天理之節文而使我同派之人雙手開卷繙然一過依然若列侍先祖膝下親聆音旨於警教談笑之餘而且悅其幾派某叔幾寸某兄同出於一人之身不至於不相聞不同路人則斯譜之修抑可謂吾宗百代之龜鑑歟畧述顯末以備參考云爾

乙亥一陽月上澣裔孫進士璜周謹識

譜者譜其族也易曰同人于宗詩曰無忝爾所生此蓋尊祖敦宗之誼而毋致忽忘於久遠者也我李之貫以慶州者自及梁大人始著而逮麗朝 悅軒公大起門戶有三子長曰評理公次曰松巖公皆以文章道學名焉入我朝本支蕃衍冠冕烜赫名公碩德磊落相望蔚然為東方一巨族也以大同譜言之則 肅廟甲子 英廟戊辰 純廟甲戌三譜是也以評理公派譜言之則惟吾湖南一派之 憲廟辛丑 聖上辛未二譜是也以不得圓滿常為之慨惜乃者湖中諸宗偁起長派合譜之議鳩聚財力謀諸劊劊不數年工役告訖此實吾門之一大幸也凡此譜規率由祖宗成憲而先蹟之未詳者廣詢而輯之傍註之浩繁者撫實而記之親疎遠近之聯名一丹如父子兄弟之同居一室孝悌之心藹然若春暄而物茁斯譜之修不可謂無補於世教也噫百川奔流源乎一源萬條暢達本乎同根則矧伊人矣乎凡為我評理公後孫者雖至百代之遠恒念一家之親則庶上不孤祖宗均視之意下不增路人疎遠之歎諸宗盍各勉之哉不揆僭根遂為之記

乙亥九月下澣 評理公十八世孫集瀾謹識

慶州李氏評理公派二刊世譜總編

舊譜新羅佐命功臣公初降于辰韓之瓢巖峯下遂爲閔川楊山村長前漢地節元年壬子三月朔與諸村長會于閔川巖上望楊山下蘿井傍異氣如電光有白馬跪拜之狀尋檢之有紫卵馬見人悲嘶上天剖其卵得童男驚異之仍名赫居世及十三歲以五鳳元年甲子立爲王國號徐耶伐後改新羅公享壽幾二百歲按新羅史赫居世立爲君以謁平爲阿餐新羅官制十七等第六曰阿餐掌軍務儒理王九年壬辰改楊山村爲及梁部長謁平賜姓李○瓢巖在今慶州府東五里楊山村今月南里白雲巖寺唐史新羅記有曰仙桃聖母誕賢肇邦即赫居世之母也異氣白馬似是誕辰之祥應而東俗尚詭好神傳記有不可徵信者今西岳仙桃山有聖母祠新羅立國在於秦人入東國爲辰韓之後亦無氣化神降之理東京誌載六部之祖似皆從天而降恐非紀實阿餐公初居瓢巖下而得姓爲李氏始祖故謂之降于瓢巖歟新羅官制有角干阿餐等號而無平章事舊譜所錄恐誤故今茲刪去

始祖李謁平

始祖諱諱平 一世

遠代孫居明

蘇判○新羅官制蘇判  
惟眞骨受之唐令狐澄  
新羅記新羅貴族謂之  
骨始祖以下失系李牧  
隱撰益齋墓誌只載蘇  
判公以下

六世

承訓 周復 上見

左司諫○高麗穆宗改  
左右補闕爲左右司諫  
秩六品○麗史李周佐  
慶州人穆宗朝登第官  
刑部尙書似是公之兄  
弟行而譜牒無傳

春貞 玄福 上見

生員○麗史德宗元年  
設國子監試以詩賦

二世

子金現

兵部令○新羅法興王  
置兵部令大阿釜角干  
爲之得兼宰相權麗習  
俗父子襲名如權幸子  
仁幸龔直子直達是也  
公之父子以金字名恐  
是此例

七世

子 僖

補祚功臣門下侍中舊  
譜官司錄補祚功臣似  
贈職○按載寧李氏譜李  
禹偁左司諫周復之子  
也門下侍中封載寧君  
爲始祖云即公兄弟

子 宣用

軍尹○高麗官制卿職  
八品曰軍尹九品曰甫  
尹

三世

子金書

中原太守戶部郎中始仕高麗  
配金氏敬順王第三女麗太祖外孫  
號神鸞宮夫人敬順納土入朝高  
麗太祖妻以長女樂浪公主比之  
神鸞賜號其宮○麗初李開亦以  
慶州之李爲陝川戶長仍貫江陽  
江陽陝川屬縣也

八世

子 修連

以子侍中之貴當有  
贈職而舊譜闕而不錄

子 升高

甫尹

四世

子潤弘

兵正○高麗仍置兵部令及兵正  
秩視宰相

九世

子 寵暹

門下侍中○高麗成宗置門下秩  
二品○成宗戊子公與吳仁裕南  
宮元清李允寬諸公奏請建五廟  
立社稷荆國子今攷麗史及吳氏  
家乘載錄

子 得堅

文林郎尙衣院直長同正○唐官  
制置同正員內外職皆兼之高麗  
官號多襲唐制

五世

子承訓

正朝侍郎○高麗官制內史侍郎  
門下侍郎平章事書侍郎選秩  
六品卿職七品曰正朝

十世

子 春貞

順興府使○順興今金海府

子 春林

門下侍郎

子 翽

初諱佗字萬里號悅軒門下評理  
贈尙書左僕射  
配金海金氏性嚴親授三子書史皆  
以文章擅名入東文選公之三子  
爲文章季子掌文衡五孫俱成均  
魁登第閱默軒漬作賀詩曰華萼  
三家五榜魁人言皆是謫仙才知  
公積善真無敵獨見年年慶席開  
趙文良韻詩具慶提衡罕見得  
賢選勝舊龍門又云悅軒喜氣那  
容說人道新添甲科孫○古阜德  
安蓮花峰有訶壇碑

六世

子 周復

見下

子 齊廷

侍郎

十一世

子 玄福

見下

子 錄千

麗史作祿千  
同

十六世

子 仁挺

見下

子 瑱

見下

子 世基

見下

子 直幹

无后